



შპს ქართულ-ამერიკული უმაღლესი სკოლა

მოსწავლის, პერსონალის, მშობლის/კანონიერი
წარმომადგენლის კანონიერი უფლებების დაცვა

2023 წელი

თავი I

მოსწავლის და მოსწავლის მეურვის კანონიერი უფლებები

მუხლი 1. ზოგადი დებულებები

1. სკოლა არის ადგილი, სადაც რეალიზდება ბავშვის ერთ-ერთი ფუნდამენტური უფლება - განათლების უფლება. მხოლოდ სკოლის მოსწავლის სტატუსის მოპოვება არ არის საკმარისი ამ უფლების დასაცავად. სკოლა ვალდებულია ყოველდღიურად იზრუნოს თითოეული ბავშვის უფლებების დაცვაზე.
2. სკოლაში უზრუნველყოფილია სასკოლო საზოგადოების წევრების: მოსწავლეების, მოსწავლეთა მშობლების/კანონიერი წარმომადგენლების (შემდგომ „მეურვის“), სკოლის ყველა პერსონალის კანონიერი უფლებების დაცვა. ამ მიზნით:
 - 2.1. სკოლას აქვს შინაგანაწესი;
 - 2.3. სკოლას ჰყავს უსაფრთხოების მრჩეველთა საბჭო;
 - 2.4. სკოლას ჰყავს უსაფრთხოებაზე პასუხისმგებელი პირები;
 - 2.5. სკოლის ექიმი/ექთან/ლოგოპედი/ფსიქოლოგი;
 - 2.6. თითოეულ კლასს ჰყავს დამრიგებელი;
 - 2.7. სკოლას აქვს სასკოლო სასწავლო გეგმა.
3. სასკოლო საზოგადოების ყველა წევრს უფლება აქვს ჰქონდეს უსაფრთხო გარემო.

მუხლი 2. მოსწავლისა და მისი მეურვის კანონიერი უფლებები

1. მოსწავლეებისათვის მათი უფლებებისა და სკოლის მიერ დადგენილი წესების გაცნობას თითოეული კლასის დამრიგებელი ახორციელებს მათი ასაკობრივი თავისებურებების გათვალისწინებით. ეს შესაძლებელია განხორციელდეს ვიზუალიზაციით, სახელოვნებო/შემოქმედებითი მიდგომების გამოყენებით. დაუშვებელია მოსწავლისათვის უფლებებისა და წესების გაცნობა დოკუმენტზე ხელმოწერით, მოსწავლეში შიშის გრძნობის გაღვივება, დასჯის შიშის შექმნა და სხვა.
2. ინფორმაცია მოსწავლისა და მისი მეურვის უფლებების შესახებ განთავსებულია საჯარო სივრცეში სკოლის ვებ-გვერდზე <https://www.gahs.edu.ge/> და სკოლის საინფორმაციო დაფაზე.
3. თითოეული მოსწავლის მეურვესთან სკოლა აფორმებს ხელშეკრულებას, სადაც დეტალურადაა გაწერილი მხარეთა უფლება-მოვალეობები.

მუხლი 3. სკოლის შინაგანაწესი

1. თითოეულ მოსწავლეს და მისი მეურვე ვალდებულია იცნობდეს შინაგანაწესს, რომელიც განთავსებულია საჯარო სივრცეში სკოლის ვებ-გვერდზე <https://www.gahs.edu.ge/> და სკოლის საინფორმაციო დაფაზე.
2. მოსწავლეებსა და მათ მეურვეებს ყოველი სასწავლო წლის დასაწყისში კლასის დამრიგებელი გააცნობს შინაგანაწესს, ასევე შინაგანაწესში შეტანილ ცვლილებებს ცვლილების შეტანიდან 5 სამუშაო დღის ვადაში.
3. **თითოეულ მოსწავლეს ან მის მეურვეს უფლება აქვს:**
 - 3.1. თავისუფლად გამოხატოს საკუთარი აზრი და მოითხოვოს მისი პატივისცემა;
 - 3.2. ხელშეუხებელი იყოს მისი რელიგიური თავისუფლება;
 - 3.3. დაცული იყოს არასათანადო მოპყრობის, უყურადღებობისა და შეურაცხყოფისაგან;
 - 3.4. დასაბუთებული უარი თქვას სკოლის მიერ დაწესებული სასკოლო ფორმის ტარებაზე, ან შესაბამისი ფინანსური შესაძლებლობის არარსებობის შემთხვევაში მოითხოვოს სკოლისგან მისი შექმნა;

- 3.5. არ გაამჟღავნოს ინფორმაცია მისი ეთნიკური, რელიგიური, გენდერული იდენტობის შესახებ;
- 3.6. არ გაამჟღავნოს ინფორმაცია მისი ჯანმრთელობის შესახებ თუ ეს საფრთხეს არ უქმნის საზოგადოებრივ ჯანდაცვას ან მოსწავლის სიცოცხლეს;
- 3.7. ფლობდეს ინფორმაციას სკოლის მიერ მოსწავლის შესახებ რომელი მონაცემები მუშავდება, მონაცემების დამუშავების მიზანი და სამართლებრივი საფუძველი, რა გზით შეგროვდა მონაცემები, ვისზე გაიცა მის შესახებ მონაცემები გაცემის საფუძველისა და მიზნის მითითებით;
- 3.8. სკოლის დირექტორთან წარადგინოს საჩივარი/მოთხოვნა სკოლის პერსონალის 2 ან სხვა მოსწავლის ან სხვა მოსწავლის მეურვის მხრიდან თავისი უფლებების დარღვევის გამო და მოითხოვოს მიყენებული ზიანის სრული ანაზღაურება;
- 3.9. თოთოეულ მოსწავლეს ან მის მეურვეს უფლება აქვს სკოლის უსაფრთხოების მრჩეველთა საბჭოს წარუდგინოს საჩივარი/მოთხოვნა სკოლის დირექტორის მხრიდან თავისი უფლებების დარღვევის გამო და მოითხოვოს მიყენებული ზიანის სრული ანაზღაურება;
- 3.10. დისციპლინური დევნისას ისარგებლოს დუმის უფლებით, რაც არ ათავისუფლებს მას დისციპლინური პასუხისმგებლობისაგან;
- 3.11. იცნობდეს სკოლის საგანგებო სიტუაციებზე რეაგირების გეგმას;
- 3.12. სკოლის მიერ დადგენილი წესების დაცვით შეუზღუდავად ისარგებლოს სკოლის ბიბლიოთეკით;
- 3.13. სკოლის ადმინისტრაციასთან შეთანხმებით სკოლის მიერ დადგენილი წესით ისარგებლოს სკოლის სხვა სივრცეებით: სპორტული მოედანი, სააქტო დარბაზი და სხვა.
- 3.14. თავისუფლად შეიკრიბონ სკოლის ტერიტორიაზე კანონით დადგენილი წესით სკოლის წინასწარი შეტყობინების საფუძველზე, ასევე ამ შეკრებაზე მიიწვიონ სხვა პირი;
- 3.15. შექმნას სასკოლო კლუბები, მოსწავლეთა თვითმმართველობა ან სხვა გაერთიანება.

4. მეურვეს უფლება აქვს:

- 4.1. მოითხოვოს სკოლის შენობაში შესვლა სკოლის მიერ წინასწარ განსაზღვრულ დროს, ან განსხვავებულ პერიოდში სკოლის ადმინისტრაციასთან შეთანხმებით;
- 4.2. მოითხოვოს ინდივიდუალური შეხვედრა მასწავლებელთან, სკოლის დირექციის წარმომადგენელთან, სკოლის ფსიქოლოგთან, სკოლის ექიმთან;
- 4.3. ფლობდეს ინფორმაციას მოსწავლის მიმართ გამოყენებული დისციპლინური ზომების შესახებ.

მუხლი 4. სასკოლო სასწავლო გეგმა

1. ყველა მოსწავლესა და მის მეურვეს აქვს უფლება იცნობდეს სასკოლო სასწავლო გეგმას. სასკოლო სასწავლო გეგმა განთავსებულია სკოლის ვებ-გვერდზე <https://www.gahs.edu.ge/>
2. სასკოლო სასწავლო გეგმას ყოველწლიურად შეიმუშავებს სკოლა ეროვნულ სასწავლო გეგმაზე დაყრდნობით. სასკოლო სასწავლო გეგმის ზოგიერთი საკითხი შეთანხმებულია მოსწავლეებთან/მეურვეებთან.
3. სსსმ მოსწავლის ან სხვა მოსწავლის ინდივიდუალური სასწავლო გეგმა თანხმდება მეურვესთან.
4. სასკოლო სასწავლო გეგმის ფარგლებში მოსწავლესა და მის მეურვეს უფლება აქვს:
 - 4.1. დააფიქსიროს პოზიცია, რომელი უცხოური ენის სწავლებას ისურვებდა V კლასიდან, ხოლო იმ შემთხვევაში თუ 10 მოსწავლეს ექნება იგივე პოზიცია, მოითხოვოს არჩეული მეორე უცხოური ენის სწავლება;
 - 4.2. დააფიქსიროს პოზიცია, რომელი არჩევითი საგნის სწავლებას ისურვებდა X კლასიდან, ხოლო იმ შემთხვევაში თუ მოსწავლეთა უმრავლესობას ექნება იგივე პოზიცია, მოითხოვოს არჩეული საგნის სწავლება;
 - 4.3. დააფიქსიროს პოზიცია (დაეთანხმოს ან უარი განაცხადოს) ეროვნული სასწავლო გეგმისგან განსხვავებული დამატებითი საგანმანათლებლო ან საადმინისტრაციული მომსახურების მიღებას;
 - 4.4. მოითხოვოს სემესტრული გამოცდა სემესტრული ნიშნის ამაღლების მიზნით პირველი სემესტრის შეფასების შემთხვევაში - მეორე სემესტრის დაწყებიდან ერთი კვირის ვადაში, ხოლო მეორე სემესტრის შემთხვევაში - სემესტრის დასრულებიდან ერთი კვირის ვადაში;

- 4.5. საშემოდგომო გამოცდის დაძლევის მიზნით მოითხოვოს კონსულტაცია და შესაბამისი საგნის სახელმძღვანელოები;
- 4.6. მოითხოვოს მასწავლებლის კონსულტაცია კომპლექსურ დავალებაზე მუშაობის პროცესში;
- 4.7. კანონმდებლობით დადგენილი ფორმით შინ სწავლებაზე გადასვლის შემთხვევაში მოითხოვოს შინ სწავლება მისთვის მისაღები ფორმით: პირისპირ ან დისტანციურად;
- 4.8. მიიღოს მონაწილეობა სკოლის მიერ ორგანიზებულ არაფორმალურ აქტივობებში.
5. სასკოლო სასწავლო გეგმის ფარგლებში მოსწავლეს არ აქვს უფლება უარი თქვას რომელიმე სავალდებულო საგნის სწავლებაზე.
6. მოსწავლეს არ აქვს უფლება მოითხოვოს დაძლეული კლასის განმეორებითაგვლა.

მუხლი 5. სხვა უფლებები

1. თოთოეულ მოსწავლეს ან მის მეურვეს უფლება აქვს:
 - 1.1. იცნობდეს სკოლის ბიუჯეტს და წლიურ გეგმას;
 - 1.2. იყოს დასაქმებული საქართველოს შრომის კოდექსით არასრულწლოვანისთვის განსაზღვრული პირობებით;
 - 1.3. მოსწავლის საჭიროების შემთხვევაში მიმართოს სკოლის ექიმს (ექთანს);
 - 1.4. საჭიროების შემთხვევაში მიმართოს ფსიქოსოციალური მომსახურების ცენტრს <https://befriend.mes.gov.ge/psychologists/>; სკოლის ფსიქოლოგს;
 - 1.5. სპეციალური საგანმანათლებლო საჭიროების შემთხვევაში, სკოლისგან დამოუკიდებლად მიმართოს განათლებისა და მეცნიერების სამინისტროს მულტიდისციპლინურ გუნდს;
 - 1.6. სკოლის მიერ საკუთარი უფლებების დარღვევის შემთხვევაში მიმართოს სასამართლოს, საქართველოს კანონმდებლობით დადგენილი წესით.
2. სკოლა განუხრელად იცავს რელიგიური ნეიტრალიტეტის პრინციპებს. სკოლის სასწავლო პროცესში დაუშვებელია რელიგიური ინდოქტრინაცია და პროზელიტიზმი. სკოლის მოსწავლეებს უფლება აქვთ სასკოლო დროისგან თავისუფალ დროს ნებაყოფლობით შეისწავლონ რელიგია ან ჩაატარონ რელიგიური რიტუალი, თუ იგი ემსახურება რელიგიური განათლების მიღებას.
3. მეურვეს არ აქვს უფლება დაწყებით და საბაზო განათლებას ჩამოაშოროს არასრულწლოვანი.
4. მეურვეს არ აქვს უფლება უგულვებელყოს მოსწავლის საბაზისო საჭიროებები.

მუხლი 6. სკოლაში მოსწავლის ან მოსწავლის მეურვის მიერ სკოლის მხრიდან მათი კანონიერი უფლებების დარღვევის გასაჩივრება

1. იმ შემთხვევაში თუ სკოლის დირექტორის, ან სკოლის უსაფრთხოების მრჩეველათა საბჭოს მიერ მოსწავლის ან მოსწავლის მეურვის მიერ წარდგენილი საჩივრის განხილვის შედეგი არ არის დამაკმაყოფილებელი, თითოეულ მოსწავლეს ან მის მეურვეს უფლება აქვს მიაწოდოს ინფორმაცია გლდან-ნამალადვის რაიონის საგანმანათლებლო რესურსცენტრს სკოლის მხრიდან ნებისმიერი კანონდარღვევის შესახებ;

2. თითოეულ მოსწავლეს ან მის მეურვეს უფლება აქვს მიაწოდოს ინფორმაცია განათლებისა და მენიერების სამინისტროს საგანმანათლებლო რესურსცენტრის უკანონო ქმედების ან უმოქმედობის შესახებ;
3. თითოეულ მოსწავლეს ან მის მეურვეს უფლება აქვს მიაწოდოს ინფორმაცია სსიპ განათლების ხარისხის განვითარების ეროვნულ ცენტრს სკოლის მიერ ავტორიზაციის პირობების დარღვევის შესახებ.
4. თითოეულ მოსწავლეს ან მის მეურვეს უფლება აქვს ნებისმიერ საკითხთან დაკავშირებით საკუთარი უფლებების დარღვევის შემთხვევაში მიმართოს სასამართლოს, საქართველოს კანონმდებლობით დადგენილი წესით.

თავი II

სკოლის პერსონალის კანონიერი უფლებები

მუხლი 1. ზოგადი დებულებები

1. სკოლაში დასაქმებული თითოეული პირის შრომითი უფლებები დაცულია საქართველოს კანონმდებლობით.
2. მასწავლებელთათა და სკოლაში დასაქმებული დამხმარე პერსონალის შრომით, სოციალურ-ეკონომიკურ, სამართლებრივ უფლებებს დამატებით იცავს საქართველოს პედაგოგთა და მეცნიერთა თავისუფალი პროფკავშირი.

მუხლი 2. სკოლის შინაგანაწესი

1. სკოლაში დასაქმებული ყველა პირი ვალდებულია იცნობდეს შინაგანაწესს, ასევე შინაგანაწესში შეტანილ ცვლილებებს ცვლილების შეტანიდან 5 სამუშაო დღის ვადაში.
2. **თითოეულ დასაქმებულს უფლება აქვს:**
3. იცნობდეს სკოლის საგანგებო სიტუაციებზე რეაგირების გეგმას;
- 3.1. სკოლის დირექტორთან წარადგინოს საჩივარი/მოთხოვნა სკოლის სხვა პერსონალის ან რომელიმე მოსწავლის ან რომელიმე მოსწავლის მეურვეის მხრიდან თავისი უფლებების დარღვევის გამო და მოითხოვოს მიყენებული ზიანის სრული ანაზღაურება;
- 3.2. თითოეულ დასაქმებულს უფლება აქვს სკოლის უსაფრთხოების მრჩელველთა საბჭოს წარუდგინოს საჩივარი/მოთხოვნა სკოლის დირექტორის მხრიდან თავისი უფლებების დარღვევის გამო და მოითხოვოს მიყენებული ზიანის სრული ანაზღაურება;
- 3.3. დისციპლინური დევნისას ისარგებლოს დუმილის უფლებით, რაც არ ათავისუფლებს მას დისციპლინური პასუხისმგებლობისაგან;
- 3.4. თავისუფლად გამოხატოს საკუთარი აზრი სკოლაში მიმდინარე პროცესებთან დაკავშირებით;
- 3.5. ხელშეუხებელი იყოს მისი რელიგიური თავისუფლება;
- 3.6. ფლობდეს ინფორმაციას მის შესახებ რომელი პერსონალური მონაცემი მუშავდება, მონაცემების დამუშავების მიზანი და სამართლებრივი საფუძველი, რა გზით შეგროვდა მონაცემები, ვისზე გაიცა მის შესახებ მონაცემები გაცემის საფუძვლისა და მიზნის მითითებით;
- 3.7. არ გაამჟღავნოს ინფორმაცია მისი ეთნიკური, რელიგიური, გენდერული იდენტობის შესახებ;
- 3.8. არ გაამჟღავნოს ინფორმაცია მისი ჯანმრთელობის შესახებ თუ ეს საფრთხეს არ უქმნის საზოგადოებრივ ჯანდაცვას;
- 3.9. ისარგებლოს კუთვნილი შვებულებით;
- 3.10. შეუზღუდავად ისარგებლოს სკოლის სივრცეებით: სამასწავლებლო, ბიბლიოთეკა და ა.შ.
- 3.11. თავისუფლად შეიკრიბონ სკოლის ტერიტორიაზე კანონით დადგენილი წესით სკოლის წინასწარი შეტყობინების საფუძველზე;

- 3.12. დასაბუთებული უარი თქვას სკოლის მიერ დაწესებული სასკოლო ფორმის ტარებაზე;
- 3.13. ფლობდეს ინფორმაციას სკოლის ბიუჯეტისა და წლიური სამოქმედო გეგმის შესახებ.

მუხლი 3. სასკოლო სასწავლო გეგმა

1. სკოლის ყველა პერსონალს აქვს უფლება იცნობდეს სასკოლო სასწავლო გეგმას. სასკოლო სასწავლო გეგმა განთავსებულია სკოლის ვებგვერდზე ვებ-გვერდზე <https://www.gahs.edu.ge/> გამონაკლისს წარმოადგენს ინდივიდუალური სასწავლო გეგმები, რომლის გაცნობის უფლება აქვთ მხოლოდ უფლებამოსილ პირებს.

2. მასწავლებელს უფლება აქვს:

- 2.1. ობიექტური მიზეზების გამო უარი თქვას მოსწავლის შინ სწავლებაზე პირისპირ მეთოდით;
- 2.2. მიმართოს სკოლის ადმინისტრაციას შესაბამისი სასწავლო რესურსების (თვალსაჩინოება, დამატებითი სახელმძღვანელო, მეთოდური რესურსი) შეძენის მოთხოვნით;
- 2.3. აიმაღლოს კვალიფიკაცია, რისთვისაც 6 წელიწადში ერთხელ უფლებამოსილია მოითხოვოს ანაზღაურების გარეშე შვებულება 1 წლამდე ვადით, სამუშაო ადგილის შენარჩუნებით;

მუხლი 4. სკოლაში პერსონალის მიერ სკოლის მხრიდან მათი კანონიერი უფლებების დარღვევის გასაჩივრება

1. იმ შემთხვევაში თუ სკოლის დირექტორის, ან სკოლის უსაფრთხოების მრჩეველთა საბჭოს მიერ სკოლის მასწავლებლის ან სკოლის ნებისმიერი სხვა პერსონალის მიერ წარდგენილი საჩივრის განხილვის შედეგი არ არის დამაკმაყოფილებელი, თითოეულ პირს უფლება აქვს მიაწოდოს ინფორმაცია რაიონის საგანმანათლებლო რესურსცენტრს სკოლის მხრიდან ნებისმიერი კანონდარღვევის შესახებ;
2. თითოეულ მასწავლებელს ან სკოლის ნებისმიერ სხვა პერსონალს უფლება აქვს მიაწოდოს ინფორმაცია განათლებისა და მენიერების სამინისტროს საგანმანათლებლო რესურსცენტრის უკანონო ქმედების ან უმოქმედობის შესახებ;
3. თითოეულ მასწავლებელს ან სკოლის ნებისმიერ სხვა პერსონალს უფლება აქვს მიაწოდოს ინფორმაცია სსიპ განათლების ხარისხის განვითარების ეროვნულ ცენტრს სკოლის მიერ ავტორიზაციის პირობების დარღვევის შესახებ.;
4. თითოეულ მასწავლებელს ან სკოლის ნებისმიერ სხვა პერსონალს უფლება აქვს შრომით-სამართლებრივ საკითხებში მათი უფლებების დაცვისთვის მიმართოს საქართველოს პედაგოგთა და მეცნიერთა თავისუფალი პროფკავშირს.
5. თითოეულ მასწავლებელს ან სკოლის ნებისმიერ სხვა პერსონალს უფლება აქვს ნებისმიერ საკითხთან დაკავშირებით საკუთარი უფლებების დარღვევის შემთხვევაში მიმართოს სასამართლოს, საქართველოს კანონმდებლობით დადგენილი წესით.

სკოლის მიერ სკოლის სამოქმედო გეგმით განსახორციელებული აქტივობების გეგმა (ნიმუში)

N	დასახელება	აქტივობა	შესრულების პერიოდი	პასუხისმგებელი პირი	მტკიცებულება	კომენტარი
1	საინფორმაციო შეხვედრა მშობლებთან ონლაინ ან პირისპირ ფორმატში	სასკოლო სასწავლო გეგმის გაცნობა: სავალდებულო საგნები, შემაჯამებელი დავალებების რაოდენობა თითოეულ საგანში, სასწავლო რესურსები, სადამრიგებლო საათის პროგრამა, ექიმის საათის პროგრამა, შეფასება, სკოლის მიერ დანიშნული წლიური გამოცდა (ასეთის არსებობის შემთხვევაში), დამატებითი საგანმანათლებლო მომსახურება (ასეთის არსებობის შემთხვევაში), სასკოლო სასწავლო გეგმის განთავსების ადგილი (ვებგვერდი ან სხვა), სასკოლო სასწავლო გეგმასთან დაკავშირებით მოსწავლეთა და მათი მეურვეების ინტერესების გათვალისწინება	სასწავლო წლის დაწყებიდან პირველ კვირაში	თითოეული კლასის დამრიგებელი	გაგზავნილი შეტყობინება, განსახილველი საკითხების ნუსხა, შეხვედრაზე დამსწრეთა უწყისი	
2	საინფორმაციო შეხვედრა IV კლასის მშობლებთან	მეორე უცხოური ენების შესახებ ინფორმაციის მიწოდება; მოსწავლეების არჩევანის დაფიქსირება	თებერვალი-მარტი-აპრილი მაისი	სკოლის სასწავლო ნაწილი, უცხოური ენების კათედრის წარმომადგენელი	შეხვედრის ოქმები	უცხოური ენების არჩევანის დაფიქსირების შესაძლებლობა უნდა მიეცეს იმ მოსწავლესაც, რომლის მეურვემაც ვერ შეძლო

N	დასახელება	აქტივობა	შესრულების პერიოდი	პასუხისმგებელი პირი	მტკიცებულება	კომენტარი
						შეხვედრაზე დასწრება
3	საინფორმაციო შეხვედრა IX კლასის იმ მოსწავლეებთან, რომლებიც სწავლას აგრძელებენ საშუალო საფეხურზე	არჩევითი საგნების გაცნობა; მოსწავლეების არჩევანის დაფიქსირება	თებერვალი-მარტი-აპრილი მაისი	სკოლის სასწავლო ნაწილი, კლასის დამრიგებელი	შეხვედრის ოქმები	
4	საინფორმაციო შეხვედრა მშობლებთან	ეროვნული სასწავლო გეგმისგან განსხვავებული დატვირთვის შეთავაზება (მეორე უცხოური ენა მესამე ან მეოთხე კლასიდან, დამატებითი სავალდებულო საგანი და სხვა)	ივნისი	სკოლის სასწავლო ნაწილი, შესაბამისი საგნობრივი კათედრის წარმომადგენელი, დამრიგებელი	შეხვედრის ოქმები	
5	ინდივიდუალური სასწავლო გეგმები	სსსმ მოსწავლის საჭიროებიდან გამომდინარე, მულტიდისციპლინური გუნდის დასკვნის საფუძველზე ისგ შემუშავება/გადახედვა სხვა საჭიროებიდან გამომდინარე (მობილობის დროს განსხვავებული საგნები, მოსწავლეთა გაცვლის საერთაშორისო პროგრამიდან დაბრუნება) ისგ-ს შემუშავება კონკრეტულ საგნებში კონკრეტული ვადით	პერმანენტული	საგნის მასწავლებლები სპეციალური მასწავლებელი	მეურვესთან შეთანხმებული ისგ	
6	ბავშვის საჩივრის განხილვა	კლასის დამრიგებლის მიერ წელიწადში ერთხელ საინფორმაციო შეხვედრის ჩატარება მოსწავლეებთან, აქტივობების დაგეგმვა პრაქტიკული უნარ-ჩვევების გამომუშავების მიზნით.	სასწავლო წლის დასაწყისში სასწავლო წლის ბოლოს	კლასის დამრიგებლები საქმისმწარმოებელი	სასკოლო სასწავლო გეგმაში ასახულია კლასის დამრიგებლის აქტივობა	

N	დასახელება	აქტივობა	შესრულების პერიოდი	პასუხისმგებელი პირი	მტკიცებულება	კომენტარი
		<p>სკოლის საქმისმწარმოებლის მიერ დარეგისტრირებული საჩივრების აღრიცხვა და წლიური სტატისტიკის წარმოება.</p> <p>საჩივრების ანალიზი და სკოლის ფუნქციონირებაში გამოკვეთილი პრობლემები, მათი გადაჭრის გზები</p>			<p>საჩივრების რეესტრი</p> <p>დისციპლინური წარმოების ოქმები</p>	
7	სკოლის შინაგანაწესი	სკოლის შინაგანაწესი გამოკრულია სკოლის საინფორმაციო დაფაზე და ვებგვერდზე.	<p>შრომითი ხელშეკრულების გაფორმებისთანავე</p> <p>მოსწავლის ჩარიცხვისთანავე</p> <p>მუდმივად სასწავლო წლის დასაწყისში</p>	საქმისმწარმოებელი	სკოლის საინფორმაციო დაფა ვებ გვერდი	
8	დისციპლინური წარმოება	<p>უსაფრთხოების მრჩეველთა საბჭოს მუდმივად ეცნობიან საკანონმდებლო ბაზას, საქართველოს სახალხო დამცველის მიერ ბავშვის უფლებრივი მდგომარეობის გაუმჯობესებისკენ მიმართულ რეკომენდაციებს,</p> <p>მეთოდოლოგიურ რესურსებს ბავშვის საუკეთესო ინტერესების გამოკვეთისა და დაცვისთვის, პერსონალი ინფორმაციის დამუშავების საფუძვლებსა და დამუშავების პროცესს.</p>	პერმანენტულად	უსაფრთხოების მრჩეველთა საბჭოს თავმჯდომარე	უსაფრთხოების მრჩეველთა საბჭოს ოქმი	

N	დასახელება	აქტივობა	შესრულების პერიოდი	პასუხისმგებელი პირი	მტკიცებულება	კომენტარი
9	სკოლის შენობაში მეურვეების ან სხვა პირთა დაშვება	<p>სკოლის დირექციასთან, მასწავლებლებთან ან სხვა პერსონალთან მეურვეების კომუნიკაციის განრიგისა და კომუნიკაციის საშუალებების შესახებ ინფორმაციის მიწოდება მეურვეებისთვის.</p> <p>სკოლის ინფრასტრუქტურით სარგებლობის წესისა და განრიგის შესახებ ინფორმაციის მიწოდებასკოლის მოსწავლეების, მათი მეურვეებისა და სკოლის პერსონალისთვის.</p>	პერმანენტული	სკოლის მიერ განსაზღვრული პასუხისმგებელი პირი		
10	რეფერირების პროცედურების დაცვა	<p>სკოლის პერსონალთან ჩატარებული შეხვედრები „ბავშვთა დაცვის მიმართვიანობის (რეფერირების) პროცედურების დამტკიცების თაობაზე“ საქართველოს მთავრობის 2016 წლის 12 სექტემბრის N437 დადგენილებით, „არასრულწლოვანთა რეფერირების წესის დამტკიცების შესახებ“ საქართველოს მთავრობის 2019 წლის 31 დეკემბრის N681 დადგენილებით განსაზღვრული პროცედურების დასაცავად.</p>	წელიწადში ერთხელ (სასწავლო წლის ბოლოს)	სკოლის ფსიქოლოგი	შეხვედრის ამსახველი მასალები	

N	დასახელება	აქტივობა	შესრულების პერიოდი	პასუხისმგებელი პირი	მტკიცებულება	კომენტარი
11	საგანგებო სიტუაციებზე რეაგირების გეგმა	სკოლის ყველა პერსონალისთვის, ასევე სკოლის შენობაში განთავსებული ყველა პირისთვის (მაგალითად ბუფეტის პერსონალი, მულტიდისციპლინური გუნდი ან სხვა) საგანგებო სიტუაციებზე რეაგირების გეგმის გაცნობა. სკოლის ყველა მოსწავლისთვის ასაკის შესაბამისად საგანგებო სიტუაციებზე რეაგირების გეგმის გაცნობა.	წელიწადში ერთხელ ოქტომბრის თვეში	უსაფრთხოებაზე პასუხისმგებელი პირი	შეხვედრის ამსახველი მასალები	
12	სოციალური მუშაობის ხელშეწყობა	განათლების სისტემის სოციალური მუშაკები, ან მუნიციპალიტეტის ბავშვის უფლებათა სამსახურის, ან ბავშვის უფლებათა საკითხებზე მომუშავე კომპეტენტური ორგანიზაციის მიერ განხორციელებული საინფორმაციო შეხვედრები, საგანმანათლებლო აქტივობები	სასწავლო წლის მანძილზე მინიმუმ 1 აქტივობა	სკოლის დირექცია	აქტივობის ამსახველი მასალები	
13	მართლწესრიგის ოფიცრების გაცნობითი შეხვედრები სკოლის მოსწავლეებთან	მართლწესრიგის ოფიცრების ვიზიტები სკოლაში; მოსწავლეებთან, მშობლებთან საინფორმაციო შეხვედრები.	სკოლის მიერ განსაზღვრული დრო (ურთიერთ შეთანხმებით)	სკოლის დირექცია	აქტივობის ამსახველი მასალები	

საკანონმდებლო აქტების ჩამონათვალი:

1. ბავშვის უფლებათა კონვენცია <https://matsne.gov.ge/ka/document/view/1399901?publication=0>
2. საქართველოს კონსტიტუცია <https://matsne.gov.ge/document/view/30346?publication=36>
3. ბავშვის უფლებათა კოდექსი <https://matsne.gov.ge/ka/document/view/4613854?publication=2>
4. „ზოგადი განათლების შესახებ“ საქართველოს კანონი <https://matsne.gov.ge/document/view/29248?publication=95>
5. საქართველოს განათლებისა და მეცნიერების მინისტრის 2016 წლის 18 მაისის N40/ნ ბრძანებით დამტკიცებული „ეროვნული სასწავლო გეგმა“ <https://matsne.gov.ge/document/view/3285991?publication=0>
6. „ბავშვთა დაცვის მიმართვიანობის (რეფერირების) პროცედურების დამტკიცების თაობაზე“ საქართველოს მთავრობის 2016 წლის 12 სექტემბრის N437 დადგენილება <https://matsne.gov.ge/ka/document/view/3394478?publication=0>
7. „ზოგადსაგანმანათლებლო დაწესებულებაში უსაფრთხოებისა და საზოგადოებრივი წესრიგის დაცვის წესისა პირობების დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2019 წლის 29 იანვრის N06/ნ ბრძანება <https://matsne.gov.ge/ka/document/view/4363684?publication=0>
8. „პერსონალურ მონაცემთა დაცვის შესახებ“ საქართველოს კანონი <https://matsne.gov.ge/document/view/1561437?publication=23>
9. საქართველოს შრომის კოდექსი, <https://matsne.gov.ge/document/view/1155567?publication=21>
10. მასწავლებლის პროფესიული ეთიკის კოდექსი <https://matsne.gov.ge/document/view/1032919?publication=0>

დანართები:

N3 - სკოლის დირექტორთან მიმართვის ფორმა

N4 - სკოლის უსაფრთხოების მრჩეველთა საბჭოსთან მიმართვის ფორმა

შპს ქართულ-ამერიკული უმაღლესი სკოლის_დირექტორს,

ბატონ _____ ს

ამავე სკოლის_____კლასის მოსწავლის

_____ ს

განცხადება

ხელმოწერა -----

თარიღი -----

შპს ქართულ-ამერიკული უმაღლესი სკოლის_დირექტორს,

ბატონ _____ ს

ამავე სკოლის_____კლასის მოსწავლის მშობლის

_____ ს

განცხადება

ხელმოწერა -----

თარიღი -----

შპს ქართულ-ამერიკული უმაღლესი სკოლის_დირექტორს,

ბატონ _____ ს

ამავე სკოლის თანამშრომლის (მიუთითეთ პოზიცია)

_____ ს

განცხადება

ხელმოწერა -----

თარიღი -----

შპს ქართულ-ამერიკული უმაღლესი სკოლის_დირექტორს,
ბატონ _____ ს

ამავე სკოლის _____კლასის მოსწავლის
_____ ს

განცხადება

ხელმოწერა -----

თარიღი -----

შპს ქართულ-ამერიკული უმაღლესი სკოლის უსაფრთხოების მხეველთა საბჭოს თავმჯდომარეს,
(ქალ)ბატონ _____ ს

ამავე სკოლის თანამშრომლის (მიუთითეთ პოზიცია)
_____ ს

განცხადება

ხელმოწერა -----

თარიღი -----

შპს ქართულ-ამერიკული უმაღლესი სკოლის უსაფრთხოების მჩვეელთა საბჭოს
თავმჯდომარეს,

(ქალ)ბატონ _____ ს

ამავე სკოლის _____ კლასის მოსწავლის მშობლის

_____ ს

განცხადება

ხელმოწერა -----

თარიღი -----